

MEMORIA XUSTIFICATIVA DO CONVENIO DE COLABORACIÓN ENTRE A AXENCIA GALEGA DA INDUSTRIA FORESTAL (XERA) E A FUNDACIÓN SEMANA VERDE DE GALICIA PARA A ORGANIZACIÓN DA VIII EDICIÓN DA FEIRA BIENAL GALIFOREST.

I. ANTECEDENTES.

A axeitada e racional explotación e o aproveitamento dos recursos polo sector forestal galego require de continuas innovacións tecnolóxicas e melloras nos métodos e procedementos de explotación, polo que resulta convinte a organización dun novo Salón profesional centrado nestes dous aspectos.

Neste senso, a Fundación Semana Verde de Galicia, organizou Galiforest, na súa primeira convocatoria en xuño de 2010, deuse cita o sector forestal no Centro de Formación e Experimentación Agroforestal de Sergude. Dende entón a Fundación ten organizado o certame en sete edicións anteriores.

Polo seu carácter de medio propio instrumental da Xunta de Galicia, a Fundación logra para cada edición a cesión en precario das instalacións do Centro de Formación e Experimentación Agroforestal de Sergude, propiedade da Consellería do Medio Rural, que tamén forma parte do Padroado da Fundación, que cumpre cos requirimentos técnicos e de equipamento necesarios e requiridos polos expositores e profesionais participantes no certame Galiforest.

II. FINALIDADE.

A celebración do VIII Monográfico Forestal Internacional para o Sur de Europa, Galiforest, será un salón dirixido a profesionais nun escenario singular, unha exposición dinámica no monte en condicións reais de traballo, correspondendo a súa organización como nas edicións anteriores á Fundación Semana Verde de Galicia.

O evento celebrarase entre o 2 e o 4 de xullo de 2026, no monte e instalacións do Centro de Experimentación Agroforestal de Sergude (Boqueixón), que constitúe un lugar con condicións reais de traballo e, ao mesmo tempo, atópase moi ben conectado cara á asistencia do público interesado (proximidade a Santiago de Compostela e ao seu aeroporto e acceso á AP53). Conta con axeitadas infraestruturas e masas forestais para demostracións, tanto para as grandes máquinas como para visitantes, entradas asfaltadas, aparcadoiros e edificacións.





Trátase de xerar un espazo de encontro forestal que posibilite a xeración de negocio, innovación e divulgación tanto técnica como social. O certame contará cunha gran área expositiva dirixíndose a un público con perfil profesional, se ben, aberto a calquera tipo de público.

Desenvolverase nun entorno real para o traballo forestal, o monte. O certame ocupará unha superficie de máis dunha hectárea e espérase a asistencia dunhas 400 firmas expositoras procedentes de máis de 30 países e unha afluencia media duns 3.000 visitantes diarios.

Permitirá ás empresas forestais levar a cabo probas de rozas, astelados, tala de madeira, apiado de produtos, carga directa en camión o indirecta en autocargadores, transporte de madeira no monte, sementeira mecánica, aproveitamento de residuos forestais (biomasa), etc., nas que participarán empresas de todo o sector produtivo, tanto fabricantes, como distribuidores de motoserras, grúas, autocargadores, vehículos de transporte, etc.

Na última edición (2024) programáronse mais de 200 demostracións de maquinaria, que se realizaron de maneira e nas que se puido ver todo tipo de traballos forestais, estando previsto manter ou mellor esta cifra na presente edición.

III. OBXECTO DO CONVENIO.

Regula as condicións da colaboración conxunta entre a Axencia Galega da Industria Forestal e a Fundación Semana Verde para a organización no ano 2026 dunha nova edición da feira bienal de carácter monográfico forestal internacional para o sur de Europa que ten como obxectivos principais os seguintes:

1. Ser punto de encontro e referencia profesional para o sector
2. Consolidación como feira profesional monográfica no ámbito xeográfico do Suroeste da Unión Europea.
3. Promocionar a estrutura empresarial e produtiva do sector.
4. Fomentar unha conciencia social a favor do medio ambiente e os seus recursos.
5. Promover as boas prácticas no uso da maquinaria forestal.

IV. CONTÍA

Este convenio tramítase como expediente anticipado de gasto ao amparo do disposto no artigo 1.1º da Orde da Consellería de Economía do 11 de febreiro de 1998, pola que se regula a tramitación anticipada dos expedientes de gasto, modificada pola Orde do 27 de novembro de 2000 e pola Orde do 25 de outubro de 2001, ao existir crédito axeitado e suficiente no proxecto de Lei dos orzamentos xerais da Comunidade Autónoma de Galicia para o ano 2026.





De acordo co disposto no artigo 3.1 da Orde da Consellería de Economía e Facenda do 11 de febreiro de 1998, a tramitación anticipada poderá chegar como máximo ata o momento anterior ao da disposición ou compromiso de gasto.

Asemade, segundo o establecido no artigo 5 da antedita Orde, todos os actos de trámite ditados no desenvolvemento desta Orde enténdense condicionados a que, unha vez aprobada o orzamento, subsistan as mesmas circunstancias de feito e de dereito existentes no momento en que foron producidos aqueles.

Orzamento total do VIII Monográfico Forestal Internacional para o Sur de Europa é de **205.000 € (IVE incluído)**, que serán financiados do seguinte xeito:

- Total de gastos financiados por XERA: 125.000 €
- Total de gastos financiados pola Fundación Semana Verde de Galicia 80.000 €

V. XUSTIFICACIÓN E EXPLICACIÓN DO CONVENIO.

V.1. ANTECEDENTES.

A Fundación Semana Verde de Galicia naceu no ano 1991 cō obxectivo de organizar feiras e eventos para sectores estratéxicos da economía e da industria galega. A súa principal feira foi e segue a ser a Feira Internacional Semana Verde de Galicia que concentra a promoción e o impulso do sector primario galego, centrándose na agricultura, gandería e o sector forestal.

A Fundación é a única entidade con experiencia e capacidade suficiente para a organización e xestión de eventos relacionados coa oferta feiral profesional de Galicia centrada nos sectores forestal, agrogandeiro e agroalimentario, estando estas actividades especificamente recollidas nos fins fundacionais da entidade. Por este motivo, para a sexta edición propónse a sinatura dun convenio de colaboración coa Fundación Semana Verde de Galicia, por non ser viable promover a concorrència competitiva deste eido.

No ano 2009 as principais empresas galegas do sector forestal, trasladaron á Fundación Semana Verde a necesidade de desvincular a parte forestal da Feira Semana Verde para crear un monográfico independente que fora punto de encontro entre os profesionais do sector. Por este motivo, no ano 2010 a Fundación organizou e celebrou a primeira edición do salón monográfico forestal Galiforest, do cal é titular, propietaria, organizadora e xestora.

Desde o inicio da Feira Galiforest no ano 2010, a Xunta de Galicia colaborou coa Fundación, coa vontade de mostrar o seu apoio a un sector tan importante e estratéxico para Galicia como é o sector forestal. Por elo, nos anos 2010, 2012, 2014 e 2016 formalizáronse convenios de colaboración para a s catro primeiras edicións de Galiforest coa Consellería Medio rural, que ostentaba as competencia da Xunta de Galicia en relación aos sectores económicos e industriais vinculados ao evento.





No ano 2018 esta colaboración formalizouse dun xeito conxunto coa Consellería de Medio rural e XERA, como consecuencia da desagregación de competencias entre amabas entidades.

No 2022 o convenio formalizouse unicamente con XERA e a Fundación dado que aquela ten as competencias exclusivas da Xunta de Galicia para a industrialización do sector forestal galego.

A xestión realizada durante as sete primeiras edicións permitiu que a feira Galiforest pase a ser un referente para o sector forestal, sendo xa a feira máis importante a nivel nacional e formalizando para a sexta edición o seu carácter internacional segundo a catalogación da UFI (Unión de Feiras Internacionais).

V.2. COLABORACIÓN FUNDACIÓN-XERA (XUSTIFICACIÓN DO CONVENIO).

No ano 2026 está previsto a VIII edición da feira monográfica Galiforest, para o que se considerou de interese mutuo unha colaboración entre a Fundación, como entidade titular e organizadora do evento, e a Axencia Galega da Industria Forestal (XERA) como entidade da Xunta de Galicia coas competencias vinculadas ao sector económico e industrial vinculado ao evento.

Dada a súa natureza, non procede facer un encargo a Fundación como medio propio, dado que non é XERA quen ten a titularidade e propiedade da Feira, senón a propia Fundación; procedendo por tanto, a aplicación do instrumento do convenio de colaboración para rexer os termos da mutua colaboración para a organización do evento.

En esta colaboración, a Fundación encargase de contactar coas empresas, asociacións e profesionais do sector, para contar coa súa colaboración e participación na feira. Tamén encargase da promoción do evento, de buscar o lugar máis axeitado para a súa celebración, de realizar a montaxe de toda a zona expositiva e da zona de demostracións, de xestionar a loxística precisa para o correcto desenvolvemento do evento, de organizar as xornadas técnicas, etc.

Por outra parte, XERA colabora coa Fundación mediante a súa participación no Comité Organizador, do que exerce a presidencia por tratarse do órgano representativo da Xunta de Galicia para este sector económico, colabora cos seus técnicos e profesionais asesorando á Fundación en cuestións concretas do evento, colabora na realización de xornadas técnicas e actividades de interese para o sector, e realiza un investimento para financiar os gastos de organización e xestión do evento.

VI. VIXENCIA.

O convenio entrará en vigor ao día seguinte da súa sinatura e rematará o 1 de outubro de 2026.





VII. RÉXIME.

Este convenio ten natureza administrativa e rexerese pola Lei 40/2015, do 1 de outubro, do réxime xurídico do sector público. Atópase excluído do ámbito de aplicación da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

Santiago de Compostela na data que figura na sinatura dixital

O xente

Ángel Bernardo Tahoces.

